

爲我毀平蓋化屋宇斫伐樹木今有黃衣使者追捉繫縛將往
搏木樹下地獄中考問去渴乏既甚乞少水相救耳以水與之
良久徑去化於搏木之下鄉里所共知焉又有人取水泉側古
跡雕塑二玉女以爲奇玩傳於人間既無玉女之象泉畔小舍
亦被人毀拆近化居人見擒取盜玉女人生魂入化中其人遂
風癩焉

嘉州開元觀門扉爲馬棧驗

嘉州開元觀在層岡之上下眺城邑俯視江山二水縈迴衆峯
環抱頗爲郡中之勝舊有高閣臨崖崇樓切漢制度宏巧遠近
稱之久曠葺修樓已摧壞官收其材用之餘者爲馬廐焉有古
道藏輯要

雲笈七籤
十三

全
井集六

制門扉堅朽不蠹亦置於木棧之旁旣而夜夜有光炯然可鑒
以其爲怪棄而不用及遷於紫極宮玄元殿內有小赤蛇蟠綴
門櫺之上累日不去雖衆人聚觀以物驅斥宛然猶在涉旬之
外不知所之爾

成都景雲觀三將軍堂柱礎驗

成都景雲觀舊在新北市內節度使崔公安潛置新市遷於大
西門之北觀有三將軍堂此頗靈應旣毀撤之後唯柱礎一枚
穿掘不得置手足於其上熱愈於火逡巡應心側近居人有犯
觸者立有祥應至今猶存

成都卜肆支機石驗